



Број/Број: **03/1-50-14-7-15/12**
Сарајево/Sarajevo, 6. 6. 2012.

PREDMET: Informacija o održanoj konferenciji zemalja članica Američko-jadranske povelje A-5 o temi: "Informisanje javnosti u vezi NATO integracija".

U organizaciji Zajedničke komisije za odbranu i sigurnost BiH (u daljem tekstu: ZK) u Sarajevu je 16. 5. 2012. godine držana Konferencija komisija za odbranu i sigurnost zemalja članica Američko-jadranske povelje A-5 o temi: „Informisanje javnosti u vezi NATO integracija“.

Ispred Zajedničke komisije za odbranu i bezbjednost BiH, na Konferenciji su učešće uzeli: Dušanka Majkić, predsjedavajuća, Šefik Džaferović, drugi zamjenik predsjedavajuće Nermina Zaimović-Uzunović, Mehmed Bradarić, Beriz Belkić članovi Komisije, Željko Grubešić stručni savjetnik i Jovica Katić stručni saradnik u Uredu sekretara ZK.

Ispred zemalja članica A-5 Konferenciji su prisustvovali ispred Skupštine Republike Albanije: Osman Metalla, Gazmir Bizzhga, Xhemal Qefalia i Armando Prenga; Sabora Republike Hrvatske: Sandra Petrović; Skupštine Republike Crne Gore: Mevludin Nuhodžić, Obrad Miušo Stanišić, Mehmet Bardi i Salviša Ščekić; Sjedinjenih američkih država: Scott Schenking i Amel Fako; Skupština Republike Srbije u svojstvu posmatrača: Konstatin Samofalov i Meho Omerović.

Konferenciji su prisustvovali predstavnici NATO Štaba u BiH u sastavu: brigadni general Garry E. Huffman – komandant NATO Štaba u BiH i brigadir John Andreas Olsen - zamjenik komandanta; predstavnici Misije OSCE u BiH: Dušan Zoller, Jasna Dragičević i Vera Orloff.

Konferenciji su prisustvovali predstavnici NATO Koordinacionog tima Vijeća ministara BiH, Ministarstva odbrane BiH, Ministarstva vanjskih poslova BiH, predstavnici Komisije za sigurnost Parlamenta FBiH: Ivica Jurčić, Omer Škaljo i Jozo Bagarić te predstavnik Komisije za bezbjednost NS Republike Srpske Petar Gluhaković.

U uvodnom dijelu učesnicima Konferencije su se obratili Dušanka Majkić, predsjedavajuća ZK i brigadni general Garry Huffman, komandant NATO Štaba u BiH. Pozdravili su učesnike i istakli ciljeve održavanja konferencije .

Prvi panel o temi: „**Diskusija o napretku koji su napravile, članice A5 na putu ka Euro-atlanskim integracijama**“ je imao za cilj da se sagleda trenutno stanje u zemljama A-5 po pitanju euro-atlanskih integracija. Ispred Zajedničke komisije za odbranu i sigurnost BiH učesnicima konferencije se obratio Šefik Džaferović, drugi zamjenik predsjedavajuće. Naglasio je trenutni status programa koje BiH realizuje sa NATO, probleme oko rješavanja pitanja vojne

imovine te pitanja koja bi trebalo rješavati u budućnosti. I predstavnici zemalja A-5 su se osvrnuli na aktuelno stanje u svojim zemljama istučući nužnost regionalne saradnje, organizacije regionalnih susreta po pitanjima koja će nas učiniti kredibilnijim i ozbiljnijim partnerom u evropskim i euro-atlanskim integracijama. Predstavnici R Albanije i R Hrvatske, zemalja članica NATO, istakli su brojne afirmativne detalje koji govore u prilog odluke da postanu članice NATO. Snažno su podržale napore koje čine Bosna i Hercegovina i Crna Gora na tom putu. Tokom završne diskusije razgovarano je o pitanjima koja su realnost procesa pristupanja NATO gdje su pored onog što je definisano kao dobit, istaknuti i problemi koji se ne mogu riješiti brzo i preko noći. U evropske i euro-atlanske asocijacije ne ulaze samo oružane snage nego država sa svim svojim elementima što traži međuresornu saradnju i koordinirano djelovanje, zaključili su učesnici u raspravi.

Tokom drugog panela o temi: **“Uloga parlamenata u informisanju javnosti u vezi NATO integracija”** je razgovarano o jednom specifičnom pitanju, o kojem se malo ili gotovo nikako razgovaralo u Bosni i Hercegovini sve do trenutka kada je organiziran okrugli sto o istoj temi u Tesliću dana 23.04.2012. godine.

Predstavnici zemalja A-5 iznijeli su brojne specifičnosti po pitanju informisanja i reagovanja javnosti i procesa bitnih za pristupanje NATO integracijama. Opšti je zaključak da je jako bitno znati kako građani razmišljaju o ovom procesu, koliko su informisani i kako im približiti svu problematiku koja prati ovaj proces. Razgovarano je o modelima izjašnjavanja građana i ispitivanja javnosti o procesu pristupanja evropskim i evro-atlanskim integracijama te potrebi da se razgovara o svim otvorenim pitanjima. Ekonomska i pitanja sigurnosti građana su posebno istaknuta, kao i troškovi pristupanja NATO gdje je očito da uz određene standarde svaka zemalja ima mogućnost da ponudi svoja rješenja i specifičnosti o kojima se tako malo govori u javnosti.

Ispred Zajedničke komisije za odbranu i sigurnost BiH učesnicima konferencije se obratila Dušanka Majkić koja je u svom izlaganju, pored ostalog, se fokusirala na potrebu razgovora o ovoj tematici. Naglasila je da je nužno znati šta građani misle o pristupanju evropskim i evroatlanskim integracijama, ali isto tako da je građane bitno informisati o svim detaljima bitnim za proces i realiziranje programa sa NATO. Treba razgovarati, iznositi realne parametre i ne bježati od toga da se prezentira i najmanji problem koji je sastavni dio ovog zahtjevnog procesa. U svom izlaganju je predstavnike zemalja A-5 pozvala na saradnju, dijalog i istakla je potrebu češćih susreta gdje bi se razgovaralo o temama koje su nužnost vremena u kome živimo kao i procesa koji su u toku i koji su prepoznati kao zajednički.

Tokom diskusije o temi drugog panela iznesena su brojna mišljenja i prijedlozi s ciljem unaprijeđenja međusobne saradnje i razmjene mišljenja o pitanjima koja su vezana za evropske i evroatlanske inicijative.

Predsjedavajuća
Zajedničke komisije
Dušanka Majkić

Dostavljeno:

- naslovu,
- a/a.